

Истеъдодли шоир Мамарасул Бобоев ўз асарларида реал воқеликни, инсон гўзаллигини куйлаб, кишиларнинг ёркин образини яратишга интилди.

Мамарасул Бобоев Самарканд вилоятининг Каттакўргон шаҳрида 1911 йили тугилди. У дастлабки маълумотни Навоий номли мактабда олди, Шоир 1927 йилнинг кузида Бухородаги хўжалик техникумига ўқишга кирди.

1934—1938 йилларда Мамарасул Бобоев Тошкент давлат педагогика институти тил ва адабиёт факултегининг сиртки бўлимини тамомлади. 1939 йилда «Гулистон» журналида унинг «Улугбек» номли тарихий поемаси босилиб чикди.

Улуг Ватан уруши шоир учун синов йиллари бўлди. У 1941-1946 йилларда ватан мудофаасида катнашиб, Эронда хизмат дилди.

«Ватан шаънига» (1939), «Шодиёна» (1951), «Севган кўшиқларим» (1959), «Янгра рубоб» (1961), «Айни ёз» (1961), «Юрагимнинг айтганлари» (1963) сингари катор шеърини тўпламларнинг муаллифидир.

Лермонтов, Некрасов. Симоёв, Сурков, Вургун, Кулитев,; Шчипачев, Муса Жалил, Туманян, Расул Хамзатов каби шоирларнинг асарлари Мамарасул Бобоев таржимасида ўзбек китобхонларида бориб етди. Унинг «Ерон осмони остида» туркум шеърлари хорижий шарк мавзуидаги энг яхши асарлар сирасига киради.